

delectabit emisse: nam mala emtio semper ingrata est, eo maxime, quod exprobrare stultitiam domino videtur. In hoc autem agello (si modo adriserit pretium) Tranquilli mei stomachum multa sollicitant, vicinitas urbis, opportunitas viæ, mediocritas villæ, modus ruris, qui avocet magis quam distringat. Scholasticis porro, ut hic est, sufficit abunde tantum soli, ut relevare caput, reficere oculos, reptare per limitem, unamque semitam terere, omnesque viticulas suas nosse & numerare arbuseulas possint. Hæc tibi exposui, quo magis scires, quantum ille esset mihi, quantum ego tibi debiturus, si prædiolum istud, quod commendatur his dotibus, tam salubriter emerit, ut pœnitentiæ locum non relinquat. Vale.

LIBER II.

I.

C. PLINIUS (VOCONIO) ROMANO
SVO S.

Virginii Rufi, V. Cl. funus prædicat, ipsumque laudibus pro merito ornat.

Post aliquot annos insigne atque etiam memoriale populi Romani oculis spectaculum exhibuit publicum funus Virginii Rufi, maximi & clarissimi civis, & perinde felicis. Triginta an-

nis

nis gloriae suæ supervixit. Legit scripta de se carmina, legit historias, & posteritati suæ interfuit. Perfunditus est tertio consulatu, ut summum fastigium privati hominis impleret, quum principis non fuisset. Cæsares, quibus suspectus, atque etiam invisus virtutibus fuerat, evaluit. Reliquit incolumem Optimum atque amicissimum, tamquam ad hunc ipsum honorem publici funeris reservatus. Annūm tertium & octogesimum excessit in altissima tranquillitate, pari veneratione. Vsus est firma valetudine: nisi quod solebant ei manus tremere, citra dolorem tamen: aditus tantum mortis durior longiorque, sed hic ipse laudabilis. Nam quum vocem præpararet, acturus in consulatu principi gratias, liber, quem sorte acceperat grandiore, & seni & stanti ipso pondere elapsus est. Hunc dum consequitur colligitque, per lave & lubricum pavimentum, fallente vestigio, cecidit, coxamque fragit, quæ parum apte collocata, reluctante astate, male coit. Hujus viri exsequia magnum ornamentum principi, magnum seculo, magnum etiam foro & rostris attulerunt. Laudatus est a consule Cornelio Tacito: nam hic supremus felicitati ejus cumulus accessit, laudator eloquentissimus. Et ille quidem plenus annis abiit, plenus honoribus, illis etiam quos recusavit: nobis tamen quærendus ac desiderandus est, ut exemplar ævi prioris: mihi vero præcipue, qui illum non solum publice, sed etiam privatim quantum admirabar, tantum diligebam; primum quod utrique eadem regio, munici-

pia

pia finitima, agri etiam possessionesque conjunctæ: præterea quod ille tutor mihi relictus, adfectum parentis exhibuit. Sic candidatum me suffragio ornavit: sic ad omnes honores meos ex secessibus ad-eucurrit, quum jampridem ejusmodi officiis renuntiasset: sic illa die, quo sacerdotes solent nominare, quos dignissimos sacerdotio judicant, me semper nominabat. Quin etiam in hac novissima valetudine veritus, ne forte inter quinque viros crearetur, qui minuendis publicis sumtibus judicio senatus constituebantur, quum illi tot amici senes consularesque superessent, me hujus atatis, per quem excusaretur, elegit, his quidem verbis, ET IAMSI FILIVM HABEREM, TIBI MANDAREM. Quibus ex causis necesse est, tamquam immaturam mortem ejus in sinu tuo desleam: si tamen fas est aut flere, aut omnino mortem vocare, qua tanti viri mortalitas magis finita quam vita est. Vivit enim, vivetque semper, atque etiam latius in memoria hominum & sermone versabitur, postquam ab oculis recessit. Volui tibi multa alia scribere, sed totus animus in hac una contemplatione defixus est. Verginium cogito, Verginium video, Verginium jam vanis imaginibus, recentibus tamen, audio, adloquor, teneo: cui fortasse cives aliquos virtutibus pares & habemus & habebimus: gloria neminem. Vale.

II.

C. PLINIUS PAVLLINO SVO S.

Accusat Paullinum negligentiae litterarum.

Irascor: nec liquet mihi an debeam, sed irascor.
Scis, quam sit amor iniquus interdum, impo-
tens s^epē, ~~unexitos~~ semper. Hæc tamen caussa
magna est, nescio an justa: sed ego tamquam non
minus justa quam magna sit, graviter irascor, quod
a te tamdiu litteræ nullæ. Exorare me potes uno
modo, si nunc saltem plurimas & longissimas mi-
seris. Hæc mihi sola excusatio vera, ceteræ falsæ
videbuntur. Non sum auditurus, NON ERAM
ROMÆ, vel OCCUPATIO^R ERAM. Illud enim
nec dii finant, ut, INFIRMIOR. Ipse ad villam
partim studiis, partim desidia fruor: quorum
utrumque ex otio nascitur. Vale.

III.

C. PLINIUS NEPOTI SVO S.

*Ifæum rhetorem laudat, & Nepotem, ut audiat
illum, abdortatur.*

Magna Ifæum fama præcesserat, major inventus
est. Summa est facultas, copia, ubertas: di-
cit semper ex tempore, sed tamquam diu scripsérit,
Sermo Græcus, immo Atticus. Prefationes tersæ,
graciles, dulces; graves interdum & erectæ. Poscit
controversias plures, electionem auditoribus per-
mittit, s^epē etiam partes: surgit, amicitur, inci-
pit

pit. Statim omnia, ac p^{re}ne pariter, ad manum: sensus reconditi, occurfant verba: sed qualia? quæ sita & exulta. Multa lectio in subitis, multa scriptio elucet. Procœmiatur apte, narrat aperte, pugnat acriter, colligit fortiter, ornat excelse: postremo docet, delectat, adficit; quid maxime, dubites. Crebra ἐννοήσατε (ξει νοήσατε), syllogismi circumscripti & effici: quod stilo quoque adsequi magnum est. Incredibilis memoria: repetit altius quæ dixit ex tempore, ne verbo quidem labitur. Ad tantam ἡχη studio & exercitatione pervenit. Nam diebus & noctibus nihil aliud agit, nihil audit, nihil loquitur. Annum sexagesimum excessit, & adhuc scholasticus tantum est. Quo genere hominum nihil aut simplicius, aut sincerius, aut melius. Nos enim, qui in foro verisque litibus terimus, multum malitia, quamvis nolimus, addiscimus. Schola & auditorium, ut ficta causa, ita res inermis, innoxia est: nec minus felix, senibus præsertim. Nam quid in senectute felicius, quam quod dulcissimum est in juventa? Quare ego Isæum non disertissimum tantum, verum etiam beatissimum judico, quem tu nisi cognoscere concupisces, faxeus ferreusque es. Proinde si non ob alia, nosque ipsos, at certe ut hunc audias, veni. Nunquamne legisti, Gaditanum quemdam Titii Livii nomine gloriaque commotum ad visendum eum ab ultimo terram orbe venisse, statimque, ut viderat, abiisse? αὐθόνως, illitteratum, iners, ac p^{re}ne etiam turpe est, non putare tanti cognitio-

DEM,

nem, qua nulla est jucundior, nulla pulchrior, nulla denique humanior. Dices, Habeo hic quos legam, non minus disertos. Etiam: sed legendi semper occasio est, audiendi non semper. Præterea multo MAGIS, ut vulgo dicitur, VIVA VOX ADIFICIT. Nam licet acriora sint quæ legas, altius tamen in animo sedent, quæ pronuntiatio, vultus, habitus, gestus etiam dicentis adfigit. Nisi vero falsum putamus illud Aeschinis: qui quum legisset Rhodiis orationem Demosthenis, admirantibus cunctis: adjecisse fertur, Τί δὲ εἰ αὐτῷ τῷ Δημόσῃ (τῷ αὐτῷ φίματα βούτρος) ἀπηκόεται; & erat Aesches, si Demostheni credimus, μεγαλοφωνέστατος: fatebatur tamen, longe melius eadem illa pronuntiasse ipsum qui pepererat. Quæ omnia hoc tendunt, ut audias. Itæcum: vel ideo tantum, ut audieris. Vale.

IV.

C. PLINIUS CALVINAES,

Calvinam hortatur, ne dubitet hereditatem adire: sed enim solvisse creditoribus pro patre.

Si pluribus pater tuus, vel unicilibet alii, quam mihi, debuisset, fuisset fortasse dubitandum, an adires hereditatem etiam viro gravem: quum vero ego adductus adfinitatis officio, dimissis omnibus, qui, non dico molestiores, sed diligenteriores erant, creditor solus exstiterim: quumque vivente eo nubenti tibi in dotem centum millia contulerim, præ-

ter

ter eam summam, quam pater tuus quasi de meo dixit (erat enim solvenda de meo) magnum habes facilitatis meæ pignus: cuius fiducia debes famam defuncti pudoremque suscipere; ad quod ne te verbis magis quam rebus horter, quidquid mihi pater tuus debuit, acceptum tibi ferri jubeo. Nec est, quod verearis, ne sit mihi ista onerosa donatio. Sunt quidem omnino nobis modicæ facultates, dignitas sumtuosa, redditus, propter conditionem agelorum, nescio minor an incertior: sed quod cessat ex reditu, frugalitate suppletur: ex qua velut e fonte, liberalitas nostra decurrit. Quæ tamen ita temperanda est, ne nimia profusione inarescat: sed temperanda in aliis, in te vero facile ratio constabit, etiammodum excesserit. Vale.

V.

C. PLINIUS LVPERCO SVO S.

Partem orationis, qua bibliothecam patriæ dedi-
caverat, Luperco perpoliendam mitte, ut su-
perflua abscindat, nec vero omnes tollat di-
gressiones.

Actionem & a te frequenter efflagitatam, & a me sape promissam, exhibui tibi, non tamen totam. Adhuc enim pars ejus perpolitur. Interim quæ absolutoria mihi videbantur, non fuit alienum judicio tuo tradi. His tū, rogo, intentionem scribentis accommodes. Nihil enim adhuc inter manus habui, cui majorem sollicitudinem præstare de-

deberem. Nam in ceteris actionibus existimationi hominum diligentia tantum & fides nostra; in hac etiam pietas subjicietur. Inde & liber crevit; dum ornare patriam & amplificare gaudemus, pariterque & defensioni ejus deservimus & gloriæ. Tu tamen hæc ipsa, quantum ratio exegerit, reseca. Quoties enim ad fastidium legentium deliciasque respicio, intelligo nobis commendationem (etiam) ex ipsa mediocritate libri petendam. Idem tamen, qui a te hanc austерitatē exigo, cogor id quod diversum est, postulare, ut in plerisque frontem remittas. Sunt enim quædam adolescentium auribus danda, præsertim si materia non refragetur. Nam descriptiones locorum, quæ in hoc libro frequentiores erunt, non historice tantum, sed prope poetice prosequi fas est. Quod tamen si quis existenterit, qui putet nos lautiū fecisse, quam orationis severitas exigat: hujus (ut ita dixerim) tristitiam reliquæ partes actionis exorare debebunt. Adnixi certe sumus, ut, quamlibet diversa genera lectorum, per plures dicendi species teneremus. Ac sicut veremur, ne quibusdam pars aliqua secundum suam cujusque naturam non probetur: ita vide-
mū posse confidere, ut universitatem omnibus va-
rietatis ipsa commendet. Nam & in ratione convi-
viorum, quamvis a plerisque cibis singuli tempere-
mus, totam tamen cœnam laudare omnes solemus:
nec ea, quæ stomachus noster recusat, admittant
gratiā illis, a quibus capitur. Atque hæc ego
sic accipi volo, non tamquam adsequutum esse me-

cre-

credam, sed tamquam adsequi laboraverim. Fortasse non frustra, si modo (tu) curam tuam adinoveris, interim istis, mox iis quæ sequuntur. Dices, te non posse satis diligenter id facere, nisi prius totam actionem cognoveris. Fateor: in præsentia tamen & ista tibi familiariora fient, & quædam ex his talia erunt, ut per partes emendari possint. Etenim si avulsum statuæ caput aut membrum aliquod inspiceres, non tu quidem ex illo posses congruentiam æqualitatemque deprehendere, posses tamen judicare, an id ipsum satis elegans esset. Nec alia ex causa principia librorum circumferuntur, quam quia existimatur pars aliqua etiam sine ceteris esse perfecta. Longius me provexit dulcedo quædam tecum loquendi: sed jam finem faciam, ne modum, quem etiam orationi adhibendum puto, in epistola excedam. Vale.

VI.

C. PLINIUS AVITO SVO S.

Exemplo sordidi simul & sumtuosi hominis Avitum moneret, ut sordium & luxuriaæ societatem fugiat.

Longum est altius repetere, nec refert, quemadmodum acciderit, ut homo minime familiaris cœnarem apud quendam, ut sibi videbatur, laetum & diligentem: ut mihi, sordidum simul & sumtuosum: nam sibi & paucis optima quædam; ceteris, vilia & minuta ponebat. Vinum etiam par-

vul-

vulsi lagunculis in tria genera descripscerat, non ut potestas eligendi, sed ne jus esset recusandi: & aliud sibi & nobis, aliud minoribus amicis (nam gradatim amicos habet), aliud suis nostrisque libertis. Animadvertisit, qui mihi proximus recumbebat, &, an probarem, interrogavit. Negavi. Tu ergo, inquit, quam consuetudinem sequeris? Eadem omnibus pono. Ad cœnam enim, non ad notam, invito: cunctisque rebus exæquo, quos mensa & toro æquavi. Etiamne libertos? Etiam. Convictores enim tunc, non libertos, puto. Et ille, Magno tibi constat. Minime. Qui fieri potest? Potest: quia scilicet liberti mei non idem, quod ego, bibunt, sed idem ego, quod liberti. Et hercule, si gulæ temperes, non est onerosum, quo utaris ipse, communicare cum pluribus. Illa ergo reprimenda, illa quasi in ordinem redigenda est, si sumtibus parcas, quibus aliquanto rectius tua continentia, quam aliena contumelia, consulas. Quorsum hæc? Ne tibi optimæ indolis juveni quorumdam in mensa luxuria specie frugalitatis imponat. Convenit autem amori in te meo, quoties tale aliquid inciderit, sub exemplo præmonere, quid debetas fugere. Igitur memento, nihil magis esse vietandum, quam istam luxuriæ & sordium novam societatem: quæ cum sint turpissima discreta ac separata, turpius junguntur. Vale.

VII.

C. PLINIUS MACRINO SVO S.

*Narrat, triumphalem statuam Spurinnae ob res
bene gestas: etiam filio ejus defuncto aliam sola-
tii causâ postram esse.*

Her a senatu Vestricio Spurinnae, principe auctore, triumphalis statua decreta est; non ita, ut multis, qui numquam in acie steterunt, numquam castra viderunt, numquam denique tubarum sonum, nisi in spectaculis, audierunt: verum ut illis, qui decus istud sudore & sanguine & factis adsequebantur. Nam Spurinna Bructerum regem vi & armis induxit in regnum: ostentatoque bello, ferocissimam gentem (quod est pulcerrimum victoriarum genus) terrore perdomuit. Et hoc quidem virtutis præmium; illud solatum doloris accepit, quod filio ejus Cottio, quem amisit absens, habitus est honor statuæ. Rarum id in juvne: sed pater hoc quoque merebatur, cuius gravissimo vulneri magno aliquo fomento medendum fuit. Præterea Cottius ipse tam clarum specimen indolis dederat, ut vita ejus brevis & angusta debuerit hac veluti immortalitate proferri. Nam tanta ei sanctitas, gravitas, auctoritas etiam, ut posset senes illos provocare virtute, quibus nunc honore adæquatus est. Quo quidem honore, quantum ego interpretor, non modo defuncti memoriarum & dolori patris, verum etiam exemplo prospectum est. Acuent ad bonas artes juventutem adolescentibus quoque (digni sint mo-

modo) tanta præmia constituta: acuent principes viros ad liberos suscipiendos & gaudia ex superstitionibus, & ex amissis tam glorioſa solatia. His ex cauſis statua Cottii publice ſator, nec privatim minus. Amavi conſummatiſſimum juvenem tam ardenter, quam nunc impatiēter requiro. Erit ergo pergratum mihi hanc effigiem ejus ſubinde intueri, ſubinde respicere, ſub hac conſistere, præter hanc commeare. Etenim ſi defunctorum imagines domi poſitæ dolorem noſtrum levant, quanto magis ea, quibus in celeberrimo loco non modo ſpecies & vultus illorum, ſed honor etiam & gloria refertur? Vale.

VIII.

C. PLINIUS CANINIO SVO S.

*Queritur de negotiorum multitudine, propter quæ non
poſſit, Caninii exemplo, in ſecetu ſtudiis & aliis ob-
lectamentis operam dare.*

Studes? an pifcaris? an venaris? an ſimul omnia? poſſunt enim omnia ſimul fieri ad Larium noſtrum. Nam lacus pifcem, feras silvæ, quibus lacus cingitur, ſtudia altiſſimus iſte ſecessus affatim ſuggeruit. Sed ſive omnia ſimul, ſive ali- quid facias, non poſſum dicere, In video: anger tamen, non & mihi licere, quaē ſic concupiſco, uēxri vinum, balinea, fontes. Numquamne hos arctiſſimos laqueos, ſi ſolvere negatur, abrumpan? numquam, puto. Nam veteribus negotiis nova

Plini Epift.

C

ac-

accrescunt, nec tamen priora peraguntur: tot ne-
xibus, tot quasi catenis majus in dies occupatio-
num agmen extenditur. Vale.

IX.

C. PLINIUS APOLLINARI SVO S.

*Euricum candidatum Apollinari commendat, ut ab illo
in petitione juvetur.*

Anxium me & inquietum habet petitio Sexti Eu-
ricii mei. Adficior cura, & quam pro me sol-
licitudinem non adii, quasi pro me altero patior:
& alioquin meus pudor, mea existimatio, mea di-
gnitas in discriben adducitur. Ego Sexto latum
clavum a Cæsare nostro, ego quæsturam impetra-
vi: meo suffragio pervenit ad jus tribunatus peten-
di, quem nisi obtinet in senatu, vereor, ne decepisse
Cæsarem videar. Proinde adnitendum est mihi,
ut tales eum judicent omnes, qualem esse princeps
mihi creditit. Quæ caussa si studium meum non
incitaret, adiutum tamen cuperem juvenem pro-
bissimum, gravissimum, eruditissimum, omni deni-
que laude dignissimum, & quidem cum tota domo.
Nam pater ejus Euricius (Clarus) vir sanctus, anti-
quis, disertus, (atque) in agendis caussis exercita-
tus, quas summa fide, pari constantia, nec verecun-
dia minore defendit. Habet avunculum C. Septi-
cium, quo nihil verius, nihil simplicius, nihil candi-
dius, nihil fidelius novi. Omnes me certatim, & ta-
men æqualiter amant: omnibus nunc ego in uno re-
fer.

ferre gratiam possum. Itaque prensi amicos, supplico, ambio demos, stationesque circumeo: quantumque vel auctoritate vel gratia valeam, precibus experior. Te quoque obsecro, ut aliquam oneris mei partem suscipere tanti putas Reddam vicem, si reposces: reddam & si non reposces. Diligeris, coleris, frequentaris: ostende modo, velle te, nec deerunt, qui, quod tu velis, cupiant. Vale.

X.

C. PLINIUS OCTAVIO SVO S.

Octavium ad carminum suorum editionem, saltrem ad recitationem, adhortatus.

Hominem te patientem, vel potius durum ac pene crudelem, qui tam insignes libros tamdiu teneas! Quousque & tibi & nobis invidebis: tibi, maximam laudem; nobis, voluptatem? Sine per ora hominum ferantur, iisdemque, quibus lingua Romana, spatiis pervagentur. Magna etiam longaque exspectatio est: quam frustrari adhuc & differre non debes. Enotuerunt quidam tui versus, & invito te claustra tua fregerunt: hos nisi retrahes in corpus, quandoque, ut errores, aliquem, cuius dicantur, invenient. Habe ante oculos mortalitatem: a qua adserere te hoc uno monimento potes. Nam cetera, fragilia & caduca, non minus quam ipsi homines, occidunt desinuntque. Dices, ut soles, Amici mei viderint. Opto euidem amicos tibi tam fideles, tam eruditos, tam laboriosos,

ut tantum curæ intentionisque suscipere & possint
& velint: sed dispice, ne sit parum providum, spe-
rare ex aliis, quod tibi ipse non præstes. Et de
editione quidem interim, ut voles: recita saltem,
quo magis libeat emittere: utque tandem percipias
gaudium, quod ego olim pro te non temere præ-
sumo. Imaginor enim, qui concursus, quæ admis-
ratio te, qui clamor, quod etiam silentium maneat.
Quo ego, quum dico vel recito, non minus quam
clamore delector; sit modo silentium acre & inten-
tum & cupidum ulteriora audiendi. Hoc fructu
tanto, tam parato, desine studia tua infinita ista cun-
statione fraudare: quæ quum modum excedit, ve-
rendum est, ne inertiae & desidia, vel etiam timi-
ditatis nomen accipiat. Vale.

XL.

C. PLINIUS ARRIANO SVO S.

*Narrat, se actore & Tacito, Africae proconsulem
Marium, repetundarum reum, a senatu damna-
tum esse.*

Solet esse gaudio tibi, si quid actum est in senatu
dignum ordine illo. Quamvis enim quietis
amore secesseris, insidet tamen animo tuo majestati
publicæ cura. Accipe ergo, quod per hos dies
actum est, personæ claritate famosum, severitate
exempli salubre, rei magnitudine æternum. Ma-
rius Priscus, accusantibus Afris, quibus proconsul
præfuit, omissa defensione, judices petiit. Ego &
Cor-

Cornelius Tacitus adesse provincialibus jussi, existimavimus fidei nostræ convenire, notum senatui facere, excessisse Priscum inimicitate & sevitia crimina, quibus dari judices posse: quum ob innocentes condemnandos, interficiendos etiam, pecunias accepisset. Respondit Fronto Catius, deprecatusque est, ne quid ultra repetundarum legem quereretur, omniaque actionis sua vela vir vendarum lacrymarum peritissimus, quodam velut vento miserationis implevit. Magna contentio, magni utrimque clamores: aliis cognitionem senatus lege conclusam, aliis liberam solutamque dicentibus: quantumque admisisset reus, tantum vindicandum. Novissime consul designatus Julius Ferrox, vir rectus & sanctus, Mario quidem judices interim censuit dandos: evocandos autem, quibus diceretur innocentium pœnas vendidisse. Quæ sententia non prævaluit modo, sed omnino post tantas dissensiones fuit sola frequens: adnotatumque (est) experimentis, quod favor & misericordia acres & vehementes primos impetus habent, paulatim consilio & ratione, quasi restincta, confidunt. Unde evenit, ut quod multi clamore permixto tuerintur, nemo tacentibus ceteris dicere velit. Patescit enim, quum separaris a turba, contemplatio rerum, quæ turba teguntur. Venerunt, qui adesse erant jussi, Vitellius Honoratus, & Flavius Martianus, ex quibus Honoratus trecentis millibus exsilium equitis Romani, septemque amicorum ejus ultimam pœnam: Martianus unius equitis Romani septin-

gentis millibus plura supplicia arguebatur emisse. Erat enim fustibus cæsus, damnatus in metallum, strangulatus in carcere. Sed Honoratum cognitio- ni senatus mors opportuna subtraxit, Martianus inductus est absente Prisco. Itaque Tutius Cerealis consularis jure senatorio postulavit, ut Priscus certior fieret: sive quia miserabilorem, sive quia invi- diosiorum fore arbitrabatur, si præsens fuisset: sive (quod maxime credo) quia æquissimum erat, com- mune crimen ab utroque defendi: & si dilui non potuisset, in utroque puniri. Dilata res est in pro- ximum senatum, cuius ipse conspectus augustissi- mus fuit. Princeps præsidebat (erat enim consul): ad hoc Januarius mensis cum (propter) cetera, tum præcipue senatorum frequentia celeberrimus, præ- terea caussæ amplitudo, aucta que dilatione exspe- catio & fama, insitumque mortalibus studium ma- gna & inusitata noſeendi, omnes undique exciverat. Imaginare, quæ ſollicitudo nobis, qui metus, qui- bus ſuper tanta re in illo cœtu, præſente Cæſare dicendum erat. Evidem in ſenatu non ſemel egit: quinimmo nusquam audiri benignius soleo: tunc me tamen, ut nova, omnia novo metu permovebant. Obversabatur præter illa, quæ ſupra dixi, cauſæ difficultas: ſtabat modo consularis, modo ſepte- vir epulonum, iam neutrum. Erat igitur perquam onerosum, accuſare damnatum: quem ut premebat atrocitas criminis, ita quaſi peractæ damnationes miſeratio tuebatur. Vt cumque tamen animum co- gitationemque collegi. Cœpi dicere non minore

au.

audientium adsensu, quam sollicitudine mea: dixi
horis pæne quinque. Nam duodecim clepsydris
quas spatiofissimas acceperam, sunt additæ qua-
tuor. Adeo illa ipsa, quæ dura & adversa dictu-
ro videbantur, secunda dicenti fuerunt. Cæsar qui-
dem mihi tantum studium, tantam etiam curam
(nihil est enim dicere sollicitudinem) præsttit,
ut libertum meum, post me stantem, sæpius admo-
nueret, voci laterique consulerem: quum me vehe-
mentius putaret intendi, quam gracilis mea per-
peti posset. Respondit mihi pro Martiano Clau-
dius Marcellinus. Missus deinde senatus, & revo-
catus in posterum. Neque enim (jam) inchoari
poterat actio, nisi (ut) noctis interventu scindere-
tur. Postero die dixit pro Mario Salvius Liberalis,
vir subtilis, dispositus, acer, disertus: in illa vero
caussa omnes artes suas protulit. Respondit Corne-
lius Tacitus eloquentissime, & quod eximiū orationi
eius inest, ~~τερπως~~. Dixit pro Mario rursus
Fronto Catius insigniter: utque jam locus ille posce-
bat, plus in precibus temporis, quam in defensione
consumisit. Hujus actionem vespera inclusit: non
tamen sic, ut abrumperet. Itaque in tertium
diem probationes exierunt. Jam hoc ipsum pul-
erum & antiquum, senatum nocte dimitti, triduo
vocari, triduo contineri. Cornutus Tertullus COS.
designatus, vir egregius, & pro veritate firmissimus,
censuit septingenta millia, quæ acceperat Marius,
aerario inferenda: Mario urbe Italiaque interdicen-
dum: Martiano hoc amplius, Africa. In fine sen-

tentiae adjecit, quod ego & Tacitus in juncta advo-
catione diligenter fortiterque functi essemus, arbit-
rari senatum, ita nos fecisse, ut dignum mandatis
partibus fuerit. Ad senserunt consules designati,
omnes etiam consulares usque ad Pompeium Col-
legam: ille & septingenta millia, quæ accepereat
Marius, avario inferenda, & Martianum in quin-
quennium relegandum: Marium repetunderum
poenæ, quam jam passus esset, censuit relinquendū.
Erant in utraque sententia multi, fortasse
etiam plures in hac vel solutione vel molliore.
Nam quidam ex illis quoque, qui Cornuto vide-
bantur ad sensi, hunc qui post ipsos censuerat, fe-
quebantur. Sed quum fieret discessio, qui sellis
consulum adstiterant, in Cornuti sententiam ire coe-
perunt. Tum illi, qui se Collegæ adnumerari pa-
riebantur, in diversum transferunt: Collega cum
paucis relictus. Multum postea de impulsoribus
suis, præcipue de Regulo, questus est, qui se in
sententia, quam ipse dictaverat, deseruisset. Est
alioqui Regulo tam mobile ingenium, ut plurimum
audeat, plusimum timeat. Hic finis cognitionis
amplissimæ, superest tamen ~~tertius~~ non leve,
Hostilius Firminus, legatus Marii Prisci, qui per-
mistrus caussæ, graviter vehementerque vexatus est.
Nam & rationibus Martiani, & sermone, quem ille
habuerat in ordine Leptitanorum, operam suam
Prisco ad turpissimum ministerium commodasse,
stipulatusque de Martiano quinquaginta millia de-
narium probabatur: ipse præterea accepisse sef-
tium

tiūm deceim millia, fædissimo quidem (titulo) nomine unguentarii, qui titulus a vita hominis com-ti semper & pumicati non abhorrebat. Placuit, censente Cornuto, referri de eo proximo senatu. Tunc enim, casu incertum, an conscientia, ab-fuerat. Habet res urbanas: invicem rusticas scri-be; quid arbusculæ tuæ, quid vineæ, quid segetes agunt, quid oves delicatissimæ? In summa, nisi æquæ longam epistolam reddes, non est quod postea, nisi brevissimam, exspectes. Vale.

XII.

C. PLINIUS ARRIANO SVO S.

Eventum causæ Firmi legati, quam superiori epistola notaverat, perscribit.

Autem illud, quod superesse Marii Prisci caus-sæ proxime scripserant, nescio an satis cir-cumcisum, tamen & adrasum est. Firminus indu-etus in senatum respondit criminis noto: sequutæ sunt diversæ sententiae consulum designatorum. Cornutus Tertullus censuit ordine movendum: acutius Nerva, in sortitione provinciæ rationem ejus non habendam. Quæ sententia, tamquam mitior, vicit, quum sit alioqui durior tristiorque. Quid enim miserius, quam exlectum & exemptum honoribus senatoriis, labore & molestia non carere? quid gravius, quam tanta ignominia adfectum, non in solitudine latere, sed in hac altissima specula conspiciendum se monstrandumque præbere?

Præterea, quid publice minus aut congruens aut decorum? notatum a senatu in senatu sedere? ipsisque illis, a quibus sit notatus, æquari? submotum a proconsulatu, quia se in legatione turpiter gesserat, de proconsulibus judicare? damnatumque sordium, vel damnare alios vel absolvere? Sed hoc pluribus visum est. Numerantur enim sententiæ, non ponderantur: nec aliud in pubblico consilio potest fieri, in quo nihil est tam inæquate, quam æqualitas ipsa. Nam quum sit impar prudentia, par omnium jus est. Implevi promissum, priorisque epistolæ fidem exsolvi, quam ex spatio temporis jam recepisse te colligo. Nam & festinanti & diligentí tabellario dedi: nisi quid impedimenti in via passus est. Tuæ nunc partes, ut primum illam, deinde hanc remunereris litteris, quales isthinc redire uberrimæ possunt. Vale.

XIII.

C. PLINIUS PRISCO SVO S.

Prisco copiarum rectori Voconium Romanum commendar.

Et tu occasiones obligandi me avidissime amplecteris, & ego nemini libentius debo. Dibus ergo de caussis a te potissimum petere constui, quod impetratum maxime cupio. Regis exercitum amplissimum; hinc tibi beneficiorum larga materia, longum præterea tempus, quo amicos tuos exornare potuisti. Converte ad nostros, nec

nec hos multos. Malles tu quidem multos, sed
meæ verecundiaæ sufficit unus aut alter, ac potius
unus. Is erit Voconius Romanus. Pater ei in
equestri gradu clarus, clarius vitricus, iñimo pater
alius. Nam huic quoque nomini pietate successit.
Mater e primis citerioris Hispaniæ. Scis quod ju-
dicum provinciæ illius; scis quanta sit gravitas;
(ipse) flamen proxime fuit. Hunc ego, quum
situl studeremus, arcte familiariterque dilexi: ille
meus in urbe, ille in secessu contubernalis: cum
hoc seria, cum hoc jocos miscui. Quid enim aut
illo fidelius amico, aut sodale jucundius? Mira in
sermone, mira etiam in ore ipso vultuque suavitas.
Ad hoc ingenium excelsum, subtile, dulce, facile,
eruditum in causis agendis. Epistolas quidem
scribit, ut Musas ipsas Latine loqui credas. Ama-
tur a me plurimum, nec tamen vincitur. Equidem
juvenis statim juveni, quantum potui per ætatem,
avidissime contuli, & nuper ab optimo principe
trium liberorum ei jus impetravi. Quod quam-
quam parce & cum delectu daret, mihi tamen, tam-
quam eligeret, indulxit. Haec beneficia mea tueri
nullo modo melius, quam ut augeam, possum,
præsertim quum ipse illa tam grata interpretetur,
ut dum priora accipit, posteriora mereatur. Ha-
bes, qualis, quam probatus carusque sit nobis.
Quem rogo, pro ingenio, pro fortuna tua exornes.
In primis ama hominem. Nam licet tribuas ei
quantum amplissimum potes, nihil tamen amplius
potes amicitia tua; cuius esse eum usque in intimam

familiaritatem capacem, quo magis scires, breviter tibi studia, mores, omnem denique vitam ejus expressi. Extenderem preces, nisi & tu rogari diu nolles, & ego tota hac epistola fecisssem. Rogat enim & quidem efficacissime, qui reddit causas rogandi. Vale.

XIV.

C. PLINIUS MAXIMO SVO S.

Centumvirales caussas, tamquam obscuras, & ab adolescentulis profanatas, graviter notar.

Verum opinaris: distingor centumviralibus caussis, quæ me exercent magis, quam delectant. Sunt enim plerisque parvæ & exiles. Raro incidit vel personarum claritate vel negotii magnitudine insignis. Ad hoc, perspaci, cum quibus juvet dicere: ceteri audaces, atque etiam magna ex parte adolescentuli obscuri ad declamandum hoc transeunt, tam irreverenter & temere, ut mihi Attilius noster expresse dixisse videatur, sic interforo pueros a centumviralibus caussis auspicari, ut ab Homero in scholis. Nam hic quoque, ut illic, primum cœpit esse quod maximam est. At hereule ante memoriam meam (majores natu ita solent dicere) ne nobilissimis quidem adolescentibus locus erat, nisi aliquo consulari producente: tanta veneratione pulcherrimum opus colebatur. Nunc, refractis pudoris & reverentiae claustris omnia patent omnibus; nec inducuntur, sed irrumpunt. Se- quun-

quuntur auditores auctoribus similes, conducti & redempti: manceps convenit in media basilica, ubi tam palam sportulae, quam in triclinio dantur. Ex judicio in judicium pari mercede transitur. Inde jam non inurbane ~~co~~pondeſis vocantur: iisdem Latinum nomen impositum est ladiceni: & tamen crescit in dies fœditas utraque lingua notata. Heri duo nomenclatores mei, (habent sane ætatem eorum, qui ruper togas sumferint,) ternis denariis ad laudandum trahebantur. Tanti constat, ut sis differtissimus. Hoc pretio, quamlibet numeroſa, subfella implentur: hoc ingens corona colligitur: hoc infiniti clamores commoventur, quum ~~me~~co~~χο~~pos dedit signum. Opus est enim signo apud non intelligentes, ne audientes quidem. Nam plerique non audiunt, nec ulli magis laudant. Si quando transibis per basilicam, & voles scire, quomodo quisque dicat, nihil est, quod tribunal ascendas, nihil, quod præbeas aurem: facilis divinatio. Scito eum pessime dicere, qui laudabitur maxime. Primus hunc audiendi morem induxit Largius Licinius: hactenus tamen, ut auditores corrogaret. Ita certe ex Quintiliano, præceptore meo, audisse memini. Narrabat ille, Adsecutabar Domitium Afrum, quum apud centum viros diceret graviter & lente, (hoc enim illi actionis genus erat,) audiit ex proximo immodicum insolitumque clamorem: admiratus reticuit: ubi silentium factum est, repetiit quod abruperat: iterum clamor, iterum reticuit: & post silentium, cœpit idem tertio.

Novissime, quis diceret, quæsivit: responsum est, Licinius. Tum intermissa causa, Centumviri, inquit, hoc artificium periit. Quod alioqui perire incipiebat, quum periisse Afro videretur; nunc vero prope funditus extinctum & eversum est. Purdet referre, quæ, quam fracta pronunciatione dicantur; quibus, quam teneris clamoribus excipiuntur. Plausus tantum, ac sola cymbala, & tympana illis canticis desunt. Ululatus quidem (neque enim alio vocabulo potest exprimi theatris quoque indecora laudatio) large supersunt. Nos tamen adhuc & utilitas amicorum, & ratio atatis moratur ac retinet. Veremur enim, ne forte non has indignitates reliquise, sed laborem refugisse videamur. Sumus tamen solito rariores: quod initium est gradatim desinendi. Vale.

XV.

C. PLINIUS VALERIANO SVO S.

Quomodo veteres & novi coënti agri placeant, Valerianum interrogat.

Quo modo te veteres Marsi tui? quo modo emtio nova? placent agri, postquam tui facti sunt? Rarum id quidem! nihil enim æque gratum est adeptis, quam concupiscentibus. Me prædia materna parum commode tractant: delectant tamen, ut materna: alioqui longa patientia obcaluli. Habent hunc finem assidua querelæ, quod queri pudet. Vale.

XVI.

XVI.

C. PLINIUS ANNIANO SVO S.

Anniano monenti, ut codicillos Aciliani irritos faciat, non confirmatos testamento; respondet, voluntatem legantis sibi pro lege esse.

Tu quidem pro cetera tua diligentia admones me, codicillos Aciliani, qui me ex parte instituit heredem, pro non scriptis habendos, quia non sint confirmati testamento. Quod jus ne mihi quidem ignotum est, quum sit iis etiam notum, qui nihil aliud sciunt: sed ego propriam quamdam legem mihi dixi, ut defunctorum voluntates, etiamsi jure desicerent, quasi perfectas tuerer. Constat autem, codicillos istos Aciliani manu scriptos. Licit ergo non sint confirmati testamento, a me tamen, ut confirmati, observabuntur: præsertim quum delatori locus non sit. Nam si verendum esset, ne, quod ego dedisset, populus eriperet, cunctatior fortasse & cautior esse deberem: quum vero liceat hereditate donare, quod in hereditate subsedit, nihil est, quod obstat illi meæ legi, cui publicæ leges non repugnant. Vale.

XVII.

C. PLINIUS GALLO SVO S.

Descriptio villæ Laurentinæ, qua miranti responder, cur illa tantopere delectetur.

Miraris, cur me Laurentinum, vel, si ita mavis, Laurens meum tantopere delectet. Desines mi-

mirari, quum cognoveris gratiam villa, opportunitatem loci, litoris spatium. Decem & septem millibus passuum ab urbe secessit: ut peractis, quæ agenda fuerint, salvo iam & composito die, possis ibi manere. Aditur non una via: nam & Laurentina & Ostiensis eodem ferunt, sed Laurentina a quartodecimo lapide, Ostiensis ab undecimo relinquenda est. Utrumque excipit iter aliqua ex parte arenosum, junctis paullo gravius & longius, equo breve & molle. Varia hinc atque inde facies. Nam modo occurrentibus silvis via coarctatur, modo latissimis pratis diffunditur & patescit. Multi greges ovium, multa ibi equorum bouisque armenta: quæ montibus hieme depulsa, herbis & tepe verno nitescunt. Villa usibus capax, non sumptuosa tutela. Cujus in prima parte atrium frugi, nec tamen fordidum: deinde porticus in D litteræ similitudinem circumactæ: quibus parvula, sed festiva, area includitur. Egregium haec adversum tempestates receptaculum: nam specularibus, ac multo magis imminentibus testis munientur. Est contra medianas cavædium hilare: mox triclinium sati pulerum, quod in litus excurrit: ac si quando Africo mare impulsum est, fractis jam & novissimis audibibus leviter adluitur. Undique valvas, aut fenestras non minores valvis habet: atque ita a lateribus & a fronte quasi tria maria prospectat. A tergo cavædium, porticum, aream; porticum rursus, mox atrium, silvas & longinquos respicit montes. Hujus a lava retractius paullo cubiculum est amplum:

yltum: deinde aliud minus, quod altera fenestra ad-
mittit orientem, occidentem altera retinet. Hac
& subiacens mare longius quidem, sed securius in-
tuetur. Hujus cubiculi & triclinii illius objectu
includitur angulus, qui purissimum solem continet
& accedit. Hoc hibernaculum, hoc etiam gy-
mnasium meorum est. Ibi omnes silent venti, ex-
ceptis qui nubilum inducunt, & serenum ante,
quam usum loci, eripiunt. Adnectitur angulo cu-
biculum in apsida curvatum, quod ambitum solis
fenestrarum omnibus sequitur. Parieti ejus, in bibli-
othecæ speciem, armarium insertum est, quod non
legendos libros, sed lecitandos capit. Adhæret
dormitorium membrum, transitu interjacente, qui,
suspensus & tabulatus, conceptum vaporem salubri
temperamento hue illucque digerit & ministrat.
Reliqua pars lateris hujus servorum libertorumque
nsibus detinetur, plerisque tam mundis, ut accipere
hos pites possint. Ex alio latere cubiculum est poli-
tissimum, deinde vel cubiculum grande, vel modica
eternatio, quæ plurimo sole, plurimo mari lucet.
Post hanc cubiculum cum procætone, altitudine
extivum, munimentis hibernum. Est enim sub-
ductum omnibus ventis. Huic cubiculo aliud, &
procæton, communis pariete junguntur. Inde ba-
linei cella frigidaria spatiose & effusa, cuius in con-
trariis parietibus duo baptisteria, velut ejecta, sinu-
antur, abunde capacia, si innare in proximo cogi-
tes. Adjacet unctuarium hypocauston: adjacet
propnigeon balinei; mox duas cellæ, magis ele-
gan-

gantes, quam sumptuosæ... Cohæret calida piscina
mirifice, ex qua natantes mars adspiciunt. Nec
procul sphæristeriam, quod calidissimo soli, incli-
nato jam die, occurrit. Hinc turris erigitur, sub
qua diætae duæ; totidem in ipsa. Præterea cœ-
natio, quæ latissimum mare, longissimum litus,
amenissimas villas prospicit. Est & alia turris:
in hac cubiculum, in quo sol nascitur conditeturque:
lata post apotheca & horreum. Sub hoc triclinium,
quod turbati maris non nisi fragorem & so-
num patitur, eunque jam languidum ac desinen-
tem: hortum & gestationem videt, qua hortus in-
cluditur. Gestatio buxo, aut rore marino, ubi defi-
cit buxus, ambitur. Nam buxus, qua parte defen-
ditur tessis, abunde viret; aperto cœlo apertoque
vento, &, quamquam longinquæ adspergine ma-
ris, inarescit. Adjacet gestationi interiorë circui-
tu vinea tenera & umbrosa, nudisque etiam pedi-
bus mollis & cedens. Hortum morus & ficus fre-
quens vestit: quarum arborum illa vel maxime fe-
rax est terra, malignior ceteris. Hac non deterio-
re, quam maris facie, cœnatio remota a mari frui-
tur. Cingitur diætis duabus a tergo, quarum fe-
nestris subjacet vestibulum villa, & hortus alijs,
pinguior & rusticus. Hinc cryptoporticus, prope
publici operis, extenditur. Utrumque fenestræ,
a mari plures, ab horto singulæ, & alternis paucio-
res. Hæ, quum serenus dies & immotus, omnes;
quum hinc vel inde ventus inquietus, qua venti
quiescunt, sine injuria patent. Ante cryptoporti-
cum

cum xystus violis odoratus. Teporem solis infusi
repercussu cryptoporticus auget, quæ ut tenet so-
lem, sic aquilonem inhibet submovetque: quan-
tumque caloris ante, tantum retro frigoris. Simi-
liter Africum sistit, atque ita diversissimos ventos,
alium alio a latere, frangit & finit. Hæc jucundi-
tas ejus hieme, major æstate. Nam ante meri-
diem, xystum, post meridiem gestationes hortique
proximam partem umbra sua temperat: quæ, ut
dies erexit decrevitque, modo brevior, modo lon-
gior hac vel illae cadit. Ipsa vero cryptoporticus
tunc maxime caret sole, quum ardentissimus culmi-
ni ejus insistit. Ad hoc patentibus fenestris favo-
nios accipit transmittitque: nec umquam aëre pi-
gro & nianente ingravescit. In capite xysti dein-
ceps cryptoporticus, horti diæta, est, amores mei;
re vera amores; ipse posui. In hac heliocaminus
quidem, alia xystum, alia mare, utraque solem, cu-
biculum autem valvis, cryptoporticum fenestra pro-
spicit. Qua mare contra parietem medium, zotheca
perquam eleganter recedit: quæ specularibus &
velis obductis reductisque modo adjicetur cubiculo,
modo aufertur. Lectum & duras cathedras capit:
a pedibus mare, a tergo villa, a capite silva: tot
facies locorum totidem fenestris & distinguit &
miscet. Junctum est cubiculum noctis & somni.
Non illud voces servulorum, non maris murmur,
non tempestatum motus, non fulgurum lumen, ac
ne diem quidem sentit, nisi fenestris apertis. Tam
alti abditique secreti illa ratio, quod interjacens an-
dron

dron parietem cubiculi hortique distinguit, atque
in omnem sondum media inanitate consumit. Ap-
plicatum est cubiculo hypocaustum perexiguum,
quod angusta fenestra suppositum calorem, ut ratio
exigit, aut effundit aut retinet. Procoeton inde
& cubiculum porrigitur in solem: quem orientem
statim exceptuni ultra meridiem, obliquum qui-
dem, sed tamen servat. In hanc ego diætam quum
me recipio, abesse mihi etiam a villa mea videor,
magnamque ejus voluptatem, præcipue Saturna-
libus, capio, quum reliqua pars tecli, licentia die-
rum, festisque clamoribus personat. Nam nec
ipse meorum lusibus, nec illi studiis meis obstre-
punt. Hæc utilitas, hæc amoenitas deficitur aqua
salienti, sed puteos, ac potius fontes habet. Sunt
enim in summo: & omnino litoris illius mira na-
tura: quo cumque loco moveris humum, obvius
& paratus humor occurrit, isque sincerus, ac ne le-
viter quidem tanta maris vicinitate falsus. Sugge-
runt affatim ligna proximæ silvæ; ceteras copias
Ostiensis colonia ministrat. Frugi quidem homini
sufficit etiam vicus, quem una villa discernit: in hoc
balinea meritoria tria. Magna commoditas, si forte
balineum domi vel subitus adventus, vel brevior
mora calefacere dissuadeat. Litus ornant varietate
gratissima, nunc continua, nunc intermissa tecta
villarum, quæ prætent multarum urbium faciem,
sive ipso mari, sive ipso litore utare. Quod non
numquam longa tranquillitas mollit, sapius fre-
quens & contrarius fluctus indurat. Mare non fa-

ne pretiosis pīscībus abundat: soles tamen & squili-
as optimas suggestit. Villa vero nostra etiam me-
diterraneas copias prāstat, lac in primis. Nam
illue e paseuis pecora conveniunt, si quando aquam
umbramque sectantur. Justisne de caressis eum tibā
videor īcolere, īhabitare, diligere secēsum?
quem tu, nīmīs urbanus es, nisi concupiscis: at-
que utinam concupiscas! ut tot tantisque dotibus
villulae nostrae maxima commendatio ex tuo con-
tubernio accedat. Vale.

XVIII.

C. PLINIUS MAVRICO SVO S.

Maurico promittit, se fratri filiis præceptorem
electurum esse.

Quid a te jucundius mīhi potuit injungi, quam
ut præceptorem fratri tui liberis quærerem?
Nam beneficio tuo in scholam redeo: illam dul-
cissimam ætatem quasi resumo. Sedeo inter ju-
venes, ut solebam: atque etiam experior, quan-
tum apud illos auctoritatis ex studiis habeam.
Nam proxime frequenti auditorio inter se coram
multis ordinis nostri clare jocabantur: intravi,
conticuerunt. Quod non referrem, nisi ad illorum
magis laudem, quam ad meam, pertineret: ac nīs
sperare te velle, posse fratri tui filios probe disce-
re. Quod superest, quum omnes, qui profitentur,
audiero, quid de quoque sentiam, scribam: effi-
ciamque, quantum tamen epistola consequi potero.

nt

ut ipse omnes audisse videaris. Debeo enim tibi, debeo memorie fratris tui hanc fidem, hoc studium, præfertim super tanta re. Nam quid magis inter est vestra, quam ut liberi (dicerem tui, nisi nunc illos magis amares) digni illo patre, te patruo re periantur? Quam curam mihi; etiamsi non man dasles, vindicassem. Nee ignoro suscipiendas of fensas in eligendo præcetore: sed oportet me non modo offensas, verum etiam similitates pro fratri s tui filii tam æquo animo subire, quam parentes pro suis. Vale.

XIX.

C. PLINIUS CEREALI SVO S.

Hortanti, ut actionem quamdam recuet, producius dubitandi rationibus, rem curatius expenden dam proponit.

Hortaris, ut orationem amicis pluribus recitem. Faciam, quia hortaris: quamvis vehementer addubitem. Neque enim me praterit, actiones, quæ recitantur, impetum omnem caloremque ac prope nomen suum perdere, ut quas soleant commendare simul & accendere judicum confessus, celebritas advocatorum, exspectatio eventus, fama non unius actoris, deductumque in partes audi entium studium: ad hoc dicentis gestus, incessus, discursus etiam, omnibusque motibus animi con sentaneus vigor corporis. Unde accedit, ut hi, qui sedentes agunt, quamvis illis maxima ex parte

su.

Supersint eadem illa, quæ stantibus, tamen hoc
quod sedent, quasi debilitentur & deprimantur.
Recitantium vero præcipua pronuntiationis adju-
menta, oculi, manus præpediuntur: quo minus
mirum est, si auditorum intentio languescit, nullis
extrinsecus aut blandimentis capta aut aculeis ex-
citata. His accedit, quod oratio, de qua loquor,
pugnax & contentiosa est. Porro ita natura-com-
paratum est, ut ea, quæ scripsimus cum labore, etiam
cum labore audiri putemus. Et sane quotusquis-
que tam rectus auditor, quem non potius dulcia
hæc & sonantia, quam austera & pressa, delectent?
Est quidem omnino turpis ista discordia; est tamen,
quod plerumque evenit, ut aliud auditores, aliud
judices exigant: quum alioqui præcipue auditor
iis adfici debeat, quibus idem si foret judex, ma-
xime permoveretur. Potest tamen fieri, ut quam-
quam in his difficultatibus libro isti novitas lenoci-
netur, novitas apud nostros: apud Græcos enim est
quiddam, quamvis ex diverso, non tamen omnino
dissimile. Nam, ut illis erat moris, leges, quas ut
contrarias prioribus legibus arguebant, aliarum
collatione convincere; ita nobis, inesse repetun-
darum legi, quod postularemus, cu[m] hac ipsa lege,
tum aliis colligendum fuit. Quod nequaquam
blandum auribus imperitorum, tanto majorem
apud doctos habere gratiam debet, quanto mino-
rem apud indoctos habet. Nos autem, si placue-
rit recitare, adhibituri sumus eruditissimum quæ-
que: sed plane adhuc, an sit recitandum, examina-

te.

secum, omnesque, quos ego movi, in utraque parte calculos poteris: idque elige, in quo vicerit ratio; a te enim ratio exigetur, nos excusabit obsequium. Vale.

XX.

C. PLINIUS CALVISIO SVO S.

Regulum tribus jucundis exemplis, ut testamentorum insidiatorem & injustum heredem, describit.

Assim para, & accipe auream fabulam: fabulas animo. Nam me priorum nova admonuit: nec refert, a qua potissimum incipiam. Verania Pisonis graviter jacebat: (hujus dico Pisonis, quem Galba adoptavit) ad hanc Regulus venit. Primum impudentiam hominis, qui venerit ad ægram, cuius marito inimicissimus, ipsi invisissimus fuerat. Esto, si venit tantum: at ille etiam proximus toro sedet: quo die, qua hora nata esset, interrogavit: ubi audivit, componit vultum, intendit oculos, movet labra, agitat digitos, computat, nihil, nisi ut diu miseram exspectatione suspendat. Habes, inquit, climaëtericum tempus, sed evades. Quod ut tibi magis liqueat, aruspicem consulam, quem sum frequenter expertus. Nec mora: sacrificium facit, adfirmat, exta cum siderum significatione congruere. Illa, ut in periculo credula, poscit codicillos: legatum Regulo scribit: mox ingravescit; clamat moriens, O hominem ne quam, perfidum, ac plus etiam quam perjurum! qui

qui sibi per salutem filii psierasset. Facit hoc Regulus non minus scelerate quam frequenter, quod iram deorum, quos ipse quotidie fallit, in caput infelis pueri detestatur. Vellejus Blæsus, ille locuples consularis, novissima valetudine conflictatur: cupiebat mutare testamentum. Regulus, qui speraret aliquid ex novis tabulis, quia nuper captare eum cœperat, medicos hortari, rogare, quoque modo spiritum homini prorogarent. Postquam signatum est testamentum, mutat personam, vertit alloquitionem, iisdemque medicis, Quousque miserum cruciatis? quid invidetis bonam mortem, cui dare vitam non potestis? Moritur Blæsus, & tamquam omnia audisset, Regulo ne tantulum quidem. Sufficiunt duas fabulae. An scholastica lege tertiam poscis? est unde fiat. Aurelia, ornata femina, signatura testamentum, sumserat pulcherrimas tunicas: Regulus quem venisset ad signandum, Rogo, inquit, has mihi leges. Aurelia ludere hominem putabat; ille serio instabat. Nec multa: coëgit mulierem aperire tabulas, ac sibi tunicas, quas erat induta, legare: observavit scribentem, inspexit an scripsisset. Et Aurelia quidem vivit, ille tamen istud tamquam morituram coëgit. Et hic hereditates, hic legata, quasi mereatur, accipit. *Allà dì dàre iouari in ea civitate, in qua jam prius non minora præmia, immo majora, nequitia & improbitas, quam pudor & virtus habent?* Adspice Regulum, qui ex paupere & tenui ad tantas opes per flagitia processit, ut ipse mihi dixerit,

Plinii Epistol.

D

quum

quum consuleret, quam cito festertium sexcenties impleturus esset, invenisse exta duplicata, quibus portendi, millies & ducenties habiturum. Et habebit, si modo, ut cœpit, aliena testamenta, quod est improbissimum genus falsi, ipsis, quorum sunt illa, dictaverit. Vale.

LIBER III.

I.

C. PLINIUS CALVISIO SVO S.

Spurinnæ vitam laudat, sibique simile aliquando otium contingat, precatur.

Nescio, an ullum jucundius tempus exegerim, quam quo nuper apud Spurinnam fui; adeo quidem, ut neminem magis in senectute (si modo senescere datum est) æmulari velim: nihil est enim illo vita genere distinctius. Me autem ut certus siderum cursus, ita vita hominum disposita delectat, senum præsertim. Nam juvenes adhuc confusa quædam & quasi turbata non indecent: sénibus placida omnia & ordinata conveniunt, quibus industria sera, turpis ambitio est. Hanc regulam Spurinna constantissime servat; quin etiam parva hæc (parva, si non quotidie fiant) ordine quodam & velut orbe circumagit. Mane lectulo continetur: hora secunda calceos poscit: